

Universitätsbibliothek Paderborn

**R.P. Clavdii Aqua-Vivae Societatis Iesv Præpositi
Generalis V. Meditationes In Psalm. 44. et 118**

Acquaviva, Claudio

Coloniæ Ubiorum, 1616

3 Speciosus forma præ filijs hominum, diffusa est gratia in labijs tuis:
propterea benedixit te Deus in æternum.

[urn:nbn:de:hbz:466:1-50645](#)

4 MEDITATIONES

3. Speciosus forma præ filijs homi-
num.

Pulchri-

tudo

Christi

quanta.

Ex virtu-

tibus.

Ex gra-

tuitis de-

Exynione

hyposta-

tica.

Colof. I.

Epist. 57.

prope fin.

Quod ca-
put est
hominis,
& ange-
lorum.

Vis hanc speciositatem digne cogitet? Pulcher, pulcher fuisti. habet codex Hebræus. Quis gratiam, caritatem, scientiarum plenitudinem, gratias gratis datas, potestatem miraculorum, gratiam capitis, per quam Hominum, & Angelorum constitutus est caput? Quis tremendam illam unionem hypostaticam, qua unus & hominis, & Dei filius est, cuius splendorum nec Cherubin, aut Seraphim intueri valent? Ex hac influxus omnes, ex hac virtutes, & meritas, & dona, & excellentiae, & coniunctio cum Deo procedit, ut sumus unum: ex hac ipsa Dei visio, & regnum aeternum. O influentiam superadmirabilem, o pulchritudinem inexcoigitabilem. Omnis plenitudo in illo inhabitat, non sicut in ceteris. Et quidem in corpore est sensus, sed non sicut in capite ait S. Augustinus. Et subdit. An etiam praeter hoc, quod tanquam in templo, in illo corpore inhabitat omnis plenitudo diuinitatis, est aliud, quod interfit inter illum Caput, & cuiuslibet membra excellentiad: Est plane: quod singulari quadam susceptione hominis illius una facta est persona cum Verbo. De nullo enim Sanctorum dici potuit, aut potest, aut poterit, Verbum caro factum est, &c. Nec sufficit ad gloriam, & pulchritudinem caput esse hominem, est & Angelorum, quod pulchre idem

Pater,

Pater, in illa verba psalmi, *Inuior sui*, et
enim serui, ita describit. Omnes, qui ab ini-
tio seculi fuerunt Iusti, Christum habent.

*Conc. 3. in
Psal 36.*

Illi enim venturum esse crediderunt,
quem nos venisse iam credimus: & in eius
fide & ipsi sanati sunt, in cuius & nos. Ut
esset & ipse totum caput Ciuitatis Hierusa-
le, omnibus cōnumeratis Fidelibus ab ini-
tio usq; in finem, adiunctis etiam legioni-
bus, & exercitibus Angelorum, yt fiat illa
vna Ciuitas sub vno Rege, & vnā quædam
Prouincia sub vno Imperatore, felix in
perpetua pace, & salute; laudans Deum sine
fine: beata sine fine.. Sed meditare atten-
tius quæ de hac pulchritudine Apostolus
ad Ephesios ca. 1. & 4. ad Coloss. ca. 1. & ma-
gnificentius c. 2. pronuntiat. Vide & sancti
Ambrosij Epist. 16. ad Irenæum, qua sum-
mam epistolæ ad Ephesios plena maiestatis
oratione complectitur. Hæc pulchritudo
Sponsam excitat, yt non semel pulchrum
appellet dilectum, sed pulchrum, & deco-
rum, eminentiam decoris illa repetitione
designans (inquit S. Bernardus) aut certè *Serm. in
Cant. 45.*
in utraque Christi substantia dignum ex-
pressit omni admiratione decorum, in al-
tera naturæ (id est in diuina) in altera (id est
humana) gratiæ. Et subdit. Quam pulcher
es Angelis tuis, Domine Iesu, in forma Dei,
in die æternitatis tuæ, in splendoribus san-
ctorum ante luciferum genitus, splendor, &
figura substantiæ Patris, & quidem perpe-

tuus.

tuus, minimeque fucatus candor vitæ æternæ. Quam mihi decorus es Domine mihi in ipsa tui huius positione decoris. Vide pulcherrima.

Ex nominibus, Potes & pulchritudinis magnitudinem ex nominibus coniçere, quibus ab Isaia vocatur. *Vocabitur, inquit, nomen eius, Admirabilis, Consiliarius, Deus, Fortis, Pater futuri seculi, Princeps pacis.* Meditare singula.

Admirabilis. quam multis titulis, quam altis operibus, quam stupendis adiuventionibus?

Consiliarius. & hoc quam multa continet: siue in consilijs super filios hominum: siue in administratione, & œconomia salutis, & directionis nostræ: siue in inspirationibus; & sapientiæ, ac prudentiæ luminibus nobis infundendis, ut puerilitatem nostram erudit, & dirigit?

Deus. Hic caligant oculi, & Cherubin, atque Seraphin demittunt alas.

Fortis. qualis apparuit siue in hostibus gloriose debellandis: siue cum hanc suam fortitudinem per suam infirmitatem exercet: siue cum nimiam infirmitatem nostram ad fortissima quæque corroborat, & brachia nihili, ut arcum æreum ponit, ad dura pro amato perferenda, ad ardua tam prompte, & facile aggredienda: per quem credentibus datur, ait S. Leo, virtus de infirmitate, gloria de opprobrio, vita de morte.

Pater

S. Leo ser.
S. de pass.

Pater futuri seculi. O quanta, quam pulchra, quam sublimia hoc nomine clauduntur! Quale seculum! seculum aureum, admirabile, dulce: in quo non in spiritu seruitus, non sub onere premente legis; sed in spiritu amoris, & libertatis Domino seruiatur, non gemitu, & iugo, ac prementibus oneribus, sed in letitia, & exultatione; in quo filii nihil terrenū, nihil humile, ut præmiū in hac vita expertant; sed ex amore seruant, cælestia expectent; ut cælestes viuant. *Omnes, qui viderint eos, cognoscet Isa. 62
illos, quia isti sunt semen; cui benedixit Domini.* Sed si tales filii exules, quid in patria, ô Pater futuri seculi?

Princeps pacis. Iam de pace cum Deo, cum Angelis, de pace nobiscam, & interna ordinatione affectuum, &c quis dicat? Ipse est pax nostra, ipse pacis autor, qui inimicitias in semetipso interfecit. Quanta pulchritudine intellectus pacis interiorem mentium pulsat auditum? Sed de pace illa in æternitate quis digne cogitet, cū etiam *Philip. 4.* in hac vita pax Dei expueret omnē sensum?

Ceterum si de pulchritudine, qua in forma Dei excellit, caligans oculus vespertilionis aliquid subobscure, vel palpitans intueri potest, vide, quæ Dionysius Areopagita de bono, lumine, fine, pulchro, amore, ecstasi, zelo differit de d. no. c. 4. de ente c. 5. Vita c. 6. Sapientia c. 7. Virtute, Iustitia, Salute, Redemptione c. 8. de Omnip. c. 10. de pa-

Ephes. 2.

Philip. 4.

18 MEDITATIONES
de pace n. de Sancto Sanctorum, Rege
Regum, Domino Dominantium, & per to-
tum librum illum diuine tradit.

Patchri-
tudo Chri-
sti ex de-
scriptio-
ne Can. 5.

Sed quoniam dulcissime Sponsa dilectū
suum dissimilibus similitudinibus in Can-
tico describit amoris, videamus quo modo
illum per partes nobis adumbret. **Dilectus**
meus, inquit, **candidus**, & **rubicundus**, **electus**
ex millibus. Caput eius aurum optimum. Comae
capitis eius sicut electae palmarum, nigrae quasi
coronae. Oculi eius sicut columbae super riuelos
aquarum, quae latte sunt lotae, & resident iuxta
fluvia plenissima. Genae illius sicut areole a-
romatum constata pigmentarijs. Labia eius
lilia distillantia myrrham primam. Manus il-
lius tornatiles, aureae, plene hyacinthis. Ven-
tere eius eburneus, distinctus sapphiris. Crura
illius columnae marmoreae, quae fundatae sunt
super bases aureas. Species eius ut Libani.
Electus ut cedri. Guttur illius suauissi-
mum: & totus desiderabilis: talis est **dilectus**
meus.

Candidus
& **rubi-**
ndus.

Isa. c. 18.

Dilectus meus candidus, & rubicundus.
Vel candidus, id est clarus, serenus, purus,
ut lux solis. Clarus est, in divina natura:
rubicundus in humana ob sanguinem Pas-
sionis. Vel candidus, & purus etiam in hu-
mana ob sanctitatem, & insignem purita-
tem, qui non solum nihil contraxerit ma-
culae, sed purgationem etiam fecerit pec-
catorum.

Electus **ex millibus**, id est, inter myriades
Homini-

Hominum, & Angelorum, præ omnibus millibus eminentior in decoro. Electus in Hebreæ voce significatius vexillatus, id est, qui vexillum portat inter myriades, id est, insigniter excellit, & eminet: quod diceremus Italice, porta la bandiera.

Caput eius aurum optimum. Si caput Caput Christi Deus, recte caput Sponsi aurum optimum, quia homo Deus. Huius autem optimi auri pretium, pulchritudinem, splendorem cogita si potes. Non est (inquit) dilectus meus, & Sponsus meus Christus Iesus unus aliquis è sanctis, sed Deus homo. Caput eius aurum optimum. Inclina oculos à fulgore, cerne, ut potes, in coruscatione, & transitu: munda oculos, ut quomodo potes, saltem coniectari, potius, quam spectari, ut S. Bernardus loquitur, si Serm. 18. militiduem videoas. in Can.

Huius capitinis comæ, Angeli scilicet, & Comæ nra. Sancti quique; qui illud ornant, & ab illo græ. potius ornantur, si summam capitinis puritatem consideres, nigræ sunt, velut coruus. Qualis est enim cuiuscunque creaturæ speciositas ad illam ineffabilem, & inaspectabilem speciositatem! Nigræ etiam per humilitatem, & reputatione suæ vilitatis: nigre per corpus mortis huius: nigre de exercitationis interne quasi bellico puluere, vel Epist. 4. puluerulento sudore, ut ait S. Paulinus: ni ad Seuer. græ, ut ait S. Bernardus, pœnitentiae com. 3. Ber ser. passione, persecutionibus, zelo iustitiae 28. Cant. ignita

20 MEDITATIONES

ignita caritate fraterna, languore desiderij,
comparatione splendoris Sponsi. Vide.

Oculi si-
cūt Co-
lumbæ.

Zach 3.

Iob. c. 9.

Sicut flā-
ma ignis.

Apoc. c. 1.

Oculi eius sicut columbæ, quæ lacte sunt
lotæ. Columbis comparantur oculi Sponsi,
quia puri, casti, simplices, formosi: siue quia
in omnibus Patris gloriam, nostramq; sa-
lutem intendebant. Est enim intentio ocu-
lis. siue quia oculi, quibus vigilat super
nos, & custodit suos, intenti semper, & a-
peri, simplices sunt, & mundi. *Super lapidē*
vnum septem oculi, ait Zacharias, super
Christum multiformis sapientia, scientia,
vigil cura, aspectus amoris. O oculi ut co-
lumbæ, nec qualiscunque, sed quæ residet
iuxta fluenta plenissima, id est, gratiarum
Spiritus sancti. Hic consideranda aliqua,
quæ præstat aspectus, & visus Sponsi, ex
quo deriuantur in nos mirabilia dona, yn-
de merito oculi, & columbæ iuxta fluenta
plenissima esse dicuntur. Lacte lotæ dicū-
tur, id est, candidissimæ, & mundissimæ,
veluti lac. Sicut & in Iob. *Si lotus fuero quasi*
aquis niuis. Non tamen horum oculorum
Sponsi pulchritudinem, hac sola similitu-
dine, quæ à Sponsa affertur scriptura adū-
brat: sunt & alia sparsa in sacris literis, quæ
eorum varijs similitudinibus signant splé-
dorem. Aliquando in Apocalypsi flammæ
ignis assimiliantur ob splendorem, & ar-
dorem. O oculos verè ignitos, qui si vel fri-
gidissima pectora aspiciant, omni glacie
resoluta ardere faciant; ita ut & aquæ iux-
ta Isa-

ta Isaiæ vaticinium ardeant igne. Aliquā-
do assimiliantur vino, quo pulchriores af-
seruntur in benedictione Iudæ: quæ Pa-
tribus fere omnibus consentientibus, de

*Isa. c. 64.**Vino pul-
chriores.**Gen. c. 49.*

Christo Domino est. Dicuntur autem pul-
chriores vino ob nitorem; & hilaritatem,
& quia cor lætificant, & inebriant. Pulchre
D. Augustinus [fulgere (sic enim legit) *S. August.*
oculos eius à vino, illa in corpore eius mē-
bra cognoscunt, quibus donatum est san-
cta quadam ebrietate ab alienatione mentis à
subalternantibus temporibus cœlestis sa-
pientiae lumen contueri]. Meditare dili-
gentius S. Augustini verba, quibus doce-
mur experientia potius, quam sciētia hunc
fulgorem oculorum, & hanc pulchritudi-
nem esse querendam. Nam in membris
Christi illa, hoc vident, & experiuntur, que
ipsius dono acceperunt, & sanctam quan-
dam ebrietatem, & alienationem mentis à
terrenis; & oculorum aciem, atque puri-
tatem, qua sapientiae æternæ lumen conspi-
ciant. Vere dulcia, & meditatio dignissima.

Genæ illius sicut areolæ aromatum con-
sitæ à pigmentarijs. Per genas, quoniam
ex facie cognoscitur vir, & in ijs sapientia
lucet; ac verecundia, & modestia splendet;
exteriores Christi Domini actiones, quibus
apparebat, intelligo. Hæ itaque erant sicut
areolæ aromatum ob decentissimam di-
spositionem, cum nihil habereat inordi-
natum, nihil distortum, nihil ex passioni-
bus

*Genæ si-
cut areo-
læ aroma-
tum.*

22 MEDITATIONES

bus proueniens. Areolæ sunt aromatum propter fragrantiam. Nec à quocumque odoriferæ illæ, & aromaticæ herbulae quomodounque, aut fortuito seminatae, aut plantatae, sed constitæ à peritis opificibus, nēpe à pigmentarijs, quia Spiritus sanctus omnes illas Sponsi actiones moderabatur, & disponebat. Talis artifex, talis manus, talis plantatio. O ytinam & dispositionem hanc, & fragrantiam anima mea circumspicias, ac sentias semper, ut confundaris de actionibus tuis, & ad imitationem accingaris. Vide, & ingemisce.

Labia li-
lia stil-
lantia
Myrrham
primam.

Ioan. c. 6.

Luc. c. 4.

Labia eius lilia stillantia myrrham primam, id est, electa, perfectissimam, insigni odore fragrantem. In lilijs, si colorem species, puritatem: si odorem, suavitatem: si aureas intus virgulas, diuinitatem intellige. Perinde est igitur, ac si dicat, Verba, quæ Spōsus meus profert omni candore, ac puritate cōspicua sunt, omnimodis odoribus, ac suavitatis referta: denique qualia esse decet, quæ ab homine Deo proferuntur, simul habentia candorem, & iucunditatem amoenissimam à lilijs, simul salubritatem mirificam, & vim arcendæ corruptionis à Myrrha. Ut merito Apostolus Petrus dicit, *Domine ad quem ibimus? Verba vite æternæ habes.* De quo Lucas refert, Cum in Synagoga doceret in Nazareth, *omnium in Synagoga oculi erant intendentes in eum, & omnes testimonium illi dabant, & mirabantur*

in ver-

IN PSAL XLIV. 25

in verbis gratiae, quæ procedebant de ore ipsius.
Sed de gratia labiorum plenius meditaberis in illa Epithalamij verba, Diffusa est gratia in labijs tuis.

Manus illius tornatiles, aureæ, plenæ Manus
hyacinthis. Manus, id est, opera Sponsi si- tornati-
ne tortuositate, asperitate, lacunis, & angu- les.
lis, sed quasi torno elaborata. Perfectissi-
ma quippe vnde cuncte fuerunt in omnibus.
Aureæ ob perfectionem caritatis, vel latē **Aureæ.**
tis Deitatis. Plenæ hyacinthis, quia cæle-
stes omnino, & ut Sancti appellant, Theā- **Plenæ**
dricæ, id est, Dei viriles. Sunt præterea tor- **hyacin-**
natiles, quia expeditissimæ manus ad om-
nia opera pro voluntate facienda: quia mi-
ra facilitate, quæ voluit, operatus est signa,
& prodigia, sanitates, & omnia. Sed excel-
lentiori modo non ea, quæ videbantur
tantum, sed Satanæ debellationem, ani-
marum salutem, dona gratiarum, virtutes,
Martyrū fortitudinem, & innumera huius-
modi tornatiles manus eius operatæ sunt:
præsertim vero, ut quidam ait, cum eas crude-
lissimis clavis in vitæ ligno perforatas o-
stendit. O qualia tunc operatus est! Clavi
illi, ait S. Leo, qui manus Domini, pedesque; **S. Leo ser.**
transfoderant, perpetuis Diabolum fixere **Io. de Pas.**
vulneribus, & Sanctorum poena membro-
rum inimicarum fuit interfectio potesta-
tum. Denique magna opera Domini, exqui- **Psal. 110.**
fita, id est, elaborata, & tornata in om-
nes voluntates eius. Et omnia, quæcunque
voluntate

Psal. 134. voluit Dominus fecit in cælo, & in terra, in mari, & in omnibus abyssis: & omnia bona valde, quia bene omnia fecit.

Venter eburneus.

Venter eius eburneus distinctus sapphiris. Per ventrem, quæ mollior, & infirmior pars est, carnem intelligunt Patres: ac si dicat. Ipsa eius caro, & humanitas distincta sapphiris, id est, celestibus signis, & virtutibus est. Non ita carnem aspectibus humanis obiecit, ut non etiam diuinitatis fulgore, & gemmis resperserit. Cerne si liber in præsepi iacente, vagientem, lacrymatem, tenerum, imbecillum, pannis vilissimis, & fascijs astrictum, eundemque simul Angelos, simul stellas destinantem ad Pastores, ad Reges: & celestis militiæ choros laudes ei, & hymnos, & gloriam in exelsis Deo melliflue cantantes. Vilis in pannis, pretiosus in stellis. Magos aduocat noti syderis ductu, excitat, perducit, aspicit, excipit. Quid putandum vidisse illos in pueris iacente? Infans foris tacet, intus eos alloquitur. Quæ verba Iesu bone in aurem cordis eorum instillabas? quæ mysteria reuelabas? quibus affectibus mulcebas, ne tati itineris laborem se perdidisse putarent? Manifestatur absconditus, & qua voluit mensura se manifestat. Duodecim annos natus manifestat se inter Doctores. Verba sapientiae mirantur, quid nisi sapphiros in ventre? Manifestatur in flumine: subiicit se baptismu, & spiritum in columbae spe-

cic,

eic, atque à Patre testimonium accipit. A- *Mat. 3.*
 perti sunt cœli, vox intonuit, Hic est filius *Luc. 3.*
 meus dilectus, in quo mihi complacui. O *Iohann. 2.*
 quales gemmæ, quales Sapphiri ! Manifestatur & in nuptijs : mutat naturas : fit vi-
 num optimum aqua. Quid multa? radiant per totam vitam gemmæ Deitatis. Remit-
 tuntur peccata, conferuntur sanitates, ful-
 gantur Dæmonia, redditur mortuis vita.
 Sed & in ipsa eius morte, quid hac infir-
 mius, aut ignobilius? pendet in Cruce, &
 terram concutit. Laceratur clavis, & faxa
 scindit. Deridetur, & subsannatur, & solem
 obscurat. Blasphemant impij, sed luget cœ-
 lum. Sic nimis semper, & ubique in in-
 firmitate Maiestas eluet : quam tanto ve-
 neremur humilius, quanto amplectimur
 humiliorem, experimur nostri amantio-
 rem. Inuestiga diuinitas, adora paupertatem, conquire vndeque pretiositatem, sinu
 excipe utilitatem. Denique ut ait S. Hiero- *Lib. I. in*
nymus, fulgor ipse, & Maiestas diuinitatis *Matth.*
 occultæ, quæ etiam in humana facie relu-
 cebat, ex primo ad se videntes trahere po-
 terat aspectu.

Crura eius columnæ marmoreæ, quæ Crura co-
 fundatæ sunt super bases aureas. Crura, co- lumnæ
 lumne ob pulchritudinem, & stabilitatem: marmo-
 marmoreæ ob candorem. Misericordiæ in reæ.
 his, & iudicium accipiamus: quarum alte- *Bern. Ser.*
 ram spes, alteram timor amplectitur. Vel 6 *Can.*
 misericordiam, & veritatem. Et quidem v- *Psal. 24.*

B

niue-

26 MEDITATIONES

niuersæ viæ Domini huiusmodi sunt: sunt
& promissiones, quæ fundātur super bases
aureas, ipsa nimirū certitudine, & firmi-
tate incommutabilis Deitatis. Considera
quas promissiones acceperis, vbi fundatas.
Quām pretiosa remissio peccatorū! quām
suavis mutatio morum! quām dulcis com-
municatio animorum! quam mellita con-
iunctio amorum! quam denique inexcogi-
tabilis eminentia præmiorum! Hæ sunt
misericordia, & veritas: hæc crura firma,
& omni stabilitate inconcussa, quia fun-
dantur super bases aureas. Nituntur enim
diuinæ veritati, quæ fallere, aut falli non
potest. In Christo autem dulcissimo Spon-
so firmitas omnis nostræ expectationis, &
diuinæ promissionis locata est. Quotquot
enim promissiones Dei sunt, ait Aposto-
lus, in illo est. Meditare profundiū, per-
curre quæ, & quot promissa sunt, quæ &
quot exhibita. Ab illo petendo (ait S. Au-
gustinus) non eris vacuis, tuum confiten-
do non eris ingratus. O latitudinem.

Species eius vt Libani, electus vt Cedri.
Propter eminētiā super ceteros montes,
propter candorem, quod Libanon sonat,
vel thus, & fragrantiam, & diuinitatem. E-
lectus vero vt cedri, ob altitudinem, odo-
rem, & imputribilitatem, quæ eō magis in
electissimo Sponso miranda sunt, aman-
da, eructanda, quo etiam membris suis ex-
abundantia suæ diffusionis compertit.

Guttur

Super ba-
ses aure-
as.

2. Cof. I.

Species
vt Liba-
ni.
Electus
vt Cedri.

Guttur illius suauissimum, vel signifi- Guttur
cantius ex Hebreo, in abstracto, suauitates. suauissi-
Sunt, qui intelligent ob dulcedinem vocis: mum.
vt sit repetitio eius, quod iam dixerat, La-
bia illius lilia stillantia. Et hoc verissimum
est. Sed vt sit noua laus, noua perfectio, ac-
cipiamus hoc loco non vt vocis instrumē-
tum, sed vt alimentorum canalem. Igitur
guttur erit, quo nos quasi cibum sibi incor-
porat. De qua re plurib. infra differemus.
Interim mihi dulce sapit accipere hic gut-
tur Sacrosanctum Eucharistiae Sacramen-
tum. Illo enim nos in se traiicit, & incor-
porat. Audi ipsum clamantem: *Quoniam 6,*
ducat meam carnem, & biberit meum san-
guinem in me manet, & ego in illo. O tra-
iectionem per guttur totius suauitatis fon-
tem. O incorporationem, O transfor-
mationem, vt merito post tot laudes, &
præconia concludatur uno verbo, Et totus *Et totus*
desiderabilis. Et significatius ex Hebreo, Et *desidera-*
totus ipse desideria, siue concupiscentiæ.
Verbum Hebreum, vnde nomen, significat
appetere tanquam utile, dulce, incundum,
pretiosum. Et Aggei secundo vocatur idē
Dominus hoc eodem nomine, Et veniet
appetibilis, vel desideratus cunctis genti-
bus. Quid non appetibile, quid non dulce,
quid non sublime, & excellens in illo? Ve-
rè totus desideria, totus concupiscentiæ.
Meditare, & satage, vt gustes; & sitias i-
psum vitæ fontem, vnde inebrieris.

B 2

3. Dif.

3 Diffusa est gratia in labijs tuis.

Suauitas
Verborū
Sponsi.

Pro. 16.

Ser. 32. in
Cant.

Ser. 31.

Ser. 6. in
Psal. 118.

Erat quidem etiam cum effet in hac vita mortali, gratia diffusa in labijs eius, ut dictum est. Sed considerandum profundius quot, quibusque modis gratia diffusa sit in labijs & verbis eius. Docet enim nos in Spiritu Verbum Sponsus, docet intrinsecus: & verba illius iuxta Scripturam fauus mellis, dulcedo animæ, sanitas ossium. Perpende singula: Fauus mellis, quid suauius? Dulcedo animæ, quid appetibilis? Sanitas ossium quid salubrius, quid restauratuum magis? Cum enim loquitur intrinsecus animæ, replet eam dulcedine: viuificat, confirmat, & roborat ad agendum, siue luctetur cum hoste, siue ardua pro

sponsi gloria aggrediatur. An aliud tibi,

ait Bernardus, vel pati, vel petere videtur

quæ dicit, Dormitauit anima mea præ tæ-

dio, confirmæ me in verbis tuis? Etiam fa-

cundus comes (inquit) qui in sermonum

suauitate suorum, tāquam in quadam sua-

ueolentia spirantium vnguentorum post se

currere faciat vniuersos. Videnda in ytro-

que sermone pulcherrima. Dulcissime eti-

am Ambrosius. [Anima iusti sponsa est

Verbi. Hæc si desideret, si cupiat, si oret, &

oret assiduo, & oret sine vlla disceptatio-

ne, & tota intendat in Verbum, subito vo-

cem sibi videtur eius audire, quem non vi-

det: & intimo sensu odorē diuinitatis eius

agno-

agnoscit. Quod patiuntur plerumque qui bene credunt. Replentur subito nares animæ spirituali gratia, & sentit sibi presentem eius flatum aspirare, quem querit, & dicit: Ecce, iste est, quem requiro; ipse, quem desidero.] Quam verò consolentur, & sustentant, & viuiscet animam voces Sponsi, idē *Dei vita* *Sanctus Doctor Ambrosio* plane ore exe- animæ.
alloquia
Ser. 7. in
Psal. 118.
 quitur sermone sequenti: quæ ut ad meditandum prompta sint, non pigebit adscribere. Humiliatur enim (inquit) anima nostra, dum traditur tentatori duris examina laboribus, ut luctetur, & exerceat, congressum contrariæ experiens potestatis. Sed in his temptationibus viuiscatur alloquio Dei. Hæc est enim animæ nostræ vitalis substantia, qua alitur, & pascitur, & gubernatur. Nec quicquam est aliud, quod viuere faciat rationabilem animam, quam alloquium Dei. Sicut enim augetur sermo Dei in anima nostra dum suscipitur, dum intelligitur, dum comprehenditur, ita etiam vita eius augetur. Et quemadmodum è contrario alloquium Dei deficit in anima nostra, ita & incurrit eius vita defectum. Itaque ut connexio ista animæ, & corporis nostri spiritu vitali animatur, atque alitur, & tenetur; ita verbo Dei, & spirituali gratia anima nostra viuiscatur. Vnde omni generi studere debemus, ut reliqua omnia posthabentes cōgregemus nobis alloquia Dei, & congeramus in principale nostrum, in

sensus, in solicitudines, considerationes, actusque nostros, ut alloquijs Scripturarum facta nostra conueniant, nec à serie præceptorum cœlestium actus noster discordare videatur, quo possimus & nos dicere, Q[uo]d-

**Multipli-
citer Ver-
bum al-
loquitur
animam.** niam eloquium tuum viuificauit nos.] Nec verò solum has voces Sponus habet, sed multis animam, variisq[ue] modis alloquitur. Siquidem aliquando reprehendit, ac corrigit: aliquando instruit, & docet: aliquando amatoria, & blanda loquitur: aliquando promissis vel præsentium auxiliorum, vel futurorum bonorum excitat, & accedit. Sed siue his siue alijs multis modis, vt solet, animam alloquatur, semper certè labia omni gratia diffusa manifestantur. Semper gratia omnis per labia ipsa diffunditur.

**Primum
increpā-
do.** Et mirum videri potest quomodo etiam reprehendens, atq[ue] corripiens diffusis gratia labijs loquatur. Et tamen sic est, & sic experitetur, & profitetur quisquis experitur quādālciter correptione commendat nos Deus.

**Ser. de 11.
apost. qui** [Nam quis est, ait S. Bernardus, quem in hoc seculo commendat Deus? Q[uo]modo commendauit veritas eum, qui adhuc re-

gloriatur. prehensibilis inuenitur? Denique ego, inquit, quos amo, arguo, & castigo. Hecce commendatio est tota? Prorsus, quantum mihi videtur, ipsa est. Q[uo]d est enim melior, & efficacior commendatio, quam diuinæ erga nos testatio caritatis? Testimoniū

nium verò amoris eius nullum certius in
hac vita, quā quod desiderat Propheta vbi
ait: Corripet me iustus in misericordia, &
increpabit me. Hæc namque increpatio,
qua iugiter nobis suggestit in occulto spi-
ritus veritatis quid desit nobis, superbiam,
negligentiam, ingratitudinē repellit. Hæc
Bernardus. Facit autem hac increpatione
Sponsus in gratia labiorum, vt anima a-
gnoscens suam fœditatem, suamque im-
munditiam, quæ illius munditiæ contem-
perari non potest, omnino de se diffidat:
sc̄e usque ad nihil humiliet. Et tanien oc-
cultis modis in suam sapientiam illā Spon-
sus erigit: sic humiliat, vt attollat: vt cum
omnia illius ossa marcescant, ipsa fortitu-
dinem in sponso suo mutet: ex humilitate
ad maiora se dona disponat: ex cognitio-
ne paupertatis in preces, atque orationes
prorūmpat; & quo pauperiorem se videt,
eo ad agendum deinceps sollicitius, forti-
usque tota super dilectum suum innixa
consurgat; vt iuxta Scripturam in labōri- *Pro. 16.*
bus laboret sibi, & vim faciat perditioni *iuxta 7o.*
sue.

Porrò de instructione, ac doctrina quā- *Cass. col.*
ta meditari licet! quomodo vias suas, vias *24. c 26.*
(inquam) pulchras ostendit! Quibus me- *Secundō*
dijs, quibus gradibus, ad quæ perfectionis instituē-
culmina ascendendum: quanta sit virtutū do, & do-
pulchritudo, & amabilitas: quanta in pec- *cendo.*
catis, & negligentijs fœditas: quanta in

MEDITATIONES

32 tepiditate non paupertas tantum, & mendicitas, sed præcipitorum occasio. Quid suavitatem gustus sapientie impedit: quid contra palatum exacuat, & erigit: quæ animam ipsam à Dilecto vel retrahant, vel elongent, quæ contra applicent, & agglutinent: ut ab eo tanquam ab annulo cera ad Dei formam, similitudinemque signetur: in quo veram prudentiam positam esse docet S. Augustinus, & innumera huiusmodi.

Pro 3.

Aug epis.

52.

Tertio
blandi-
endo.In Cant.
paßim.Quarto
promit-
tendo.
Iſe 41.

Iam verò de blandis, & amatorijs verbis, quæ gratiam in labijs diffusam testentur, uberrimus aperitur campus, sed ijs, qui voces eas digni habitu sunt audire. Ut vocetur anima pulchra, formosa, foror, dilecta, columba, speciosa, electa, amica, sponsa, & quæ huiusmodi sunt innumeræ, quæ blandientem resonant, voces. Nunc inuitat in hortos, nunc ad cellaria, nunc ostendit diuitias gloriæ, nunc fiduciam instillat, secreta pandens, sollicitudinem spondens, nunc leua sub capite mulcens, nunc dextera amplexans. Denique si aures cordis apud illum sic blandientem aperte sint, mira sunt, quæ audit, intelligit, experitur.

Promissiones verò quam dulciter sapiunt? quā magnifice erigunt? Et in praesenti quidem, [Ne timeas, quia ego tecum sum: ne declines, quia ego Deus tuus confortau te, & auxiliatus sum tibi, & suscepit te dextera Iusti mei. Ego Dominus Deus tuus]

tuus apprehendens manum tuam, dicens
que tibi ne timeas, Ego posui te quasi plau- Ioan. 17.
strum triturans, &c.] De futuro vero, vbi
ego sum, & ipsa eris. Videbis claritatem
meam, quam mihi Pater dedit, percipies
regnum, sine fine me frueris: mutaberis in
me tota transformata, ut sis mecum unum.
Et quae sunt alia magnificè ab eo promissa
in vita, quae nunc est, & futura. Hic licet
spatiofissimè pasci siue ingrediari, siue e-
grediari. O pascua, ô riuos!

Ceterum diffusa est gratia in labijs eius Gratia in
plane modo incomparabili, nimurum cum labijs
loquitur ad Patrem de nobis bona. Si enim Christi
Caleb ad suspirium, & vocem filiae dedit alloquē-
tiis Patrē pro ne-
ei irriguum superius, & irriguum inferius,
quid negare tali filio, & sic dilecto poterit bis.
Pater, quem & exauditum scimus pro sua
reuerentia? Hic Patri dilectus, in quo sibi Judic. c. 1.
cōplacuit, omnia quae pro nobis fecit, per-
tulit, passus est, repräsentat: sed & nunc ad Mat. 3. &c.
dexteram, ut appareat vultui eius, & inter-
pellet pro nobis. O quales voces! qualis alibi.
gratia! expende, & ruma. Nihil negan-
dum puta, quod ad eius gloriam, & tuam Rom. 8.
vtilitatem pertineat. Habemus fiduciam, Heb. 9.
habemus Pontificem, habemus aduocatum, Hab. 6.
habemus Ancoram tutam, ac firmam, &
incidentem, usque ad interiora velaminis,
vbi præcursor pro nobis introijt. Quis dif-
fidat? quis desperet?

Sed & alio plane dulcissimo pacto gra- Diffundi-
B 5 tia

34 MEDITATIONES

tia diffusa est in labijs illius, quia ex diffusione gratiae eius etiam in os nostrum redundat, ut iam audeamus & ipso loqui cum Patre, miscere colloquia, petere petitiones, laudes cantare, hymnum gloriae eius resonare, cum Angelorum chorus miscere voces, cantica modulari. Et in his omnibus diffusa est ex labijs eius in labia nostra mirifica gratia; ut iam audiat, quae eiusmodi

Cant. 2.

¶ 4.

Pro. 22.

est Sponsa, ostende mihi faciem tuam: sonet vox tua in auribus meis. Vox enim tua dulcis, & facies tua decora: & sicut vitta coccinea labia tua, & eloquium tuum dulce. Quid ni dulce eloquium ab labijs coccineis immaculati Agni sanguine purpaurantibus? O magnificentiam, o diffusionem. Quae labia: id est, hominis, vermiculi, & vix viuus momenti: qua gratia repleta sunt? Qui diligit cordis munditiam propter gratiam labiorum suorum, habebit amicum Regem. Quanti in uno verbo thesauri: Habebit amicum, magnum est; Regem, sublimus est. At quem amicun? & quem Regem? inscrutabile est, Regem Regum, in quo thesauri omnes, opes superbæ, & gloria: illum habere amicum, & amicum ex gratia labiorum filij unici, dilecti, ynde in nos diffunditur, quanta dignitas? quanta felicitas?

Benedixit te Deus in æternum.

Benedi-
ctio spō-

O benedictionem æternis benedictionibus celebrandam. O benedictionē,
vnde

IN PSAL. XI.IV. 33

Vnde omnes benedicuntur, eandemq; om- si quam
nium fontem benedictionum, ac finem. imma-
Non enim ad mensuram dedit Deus filio sa.
benedictionem; quia nec ad mensuram de-
dit spiritum. Pater, inquit Baptista, diligit *Ioan. 3.*
filium, & omnia dedit in manu eius. Re-
quieuit quippe super eum omnis fons Spi-
ritus sancti. Benedictus ergo, ait Bernardus, in odore, benedictus in sapore, bene-
dictus in specie. Perpende singula, & lege *Hom. 3.*
eo loco Bernardum. Plane odor filij huius, *Super Mis-*
sicut odor agri pleni, cui benedixit Domini-
nus. Ex benedictione odor, sapor, & speci-
es: ut pulcher visu, & suauis ad vescendum, *Gen. 27.*
non phantasticè, non ad decipiendum vti
fructus ille occasio maledictionis; sed pla-
ne solide, & eminenter appareat. De hoc *Gen. 49.*
sanè verius, quam de Ioseph, qui figura, &
vmbra erat, illud accipio. Omnipotens be-
nedic tibi benedictionibus cœli desu-
per, benedictionibus Abyssi iacentis deor-
sum, benedictionibus vberum, & vultu.
Certè nemo his benedictionibus vberius,
excellentijsque cumulatus est.

Benedicitur enim in Cœlis, vbi omnia
possidet, vt pote cui data est omnis pote- *Benedici-*
tas in cœlo, & in terra, Benedicitur à Ci-
uib. patriæ illius æternis benedictionibus. *tur spon-*
An non benedicunt, qui cantant, Dignus *sus bene-*
est Agnus, qui occisus est, accipere virtu- *ditioni-*
tem, & diuinitatem, & sapientiam, & hono- *bus Cœli.*
rem, & gloriam, & benedictionem: Cui & *Mat. 26.*
Apoc. 5.

B. 6

can-

36 MEDITATIONES

Psal. 88.
De Civit.
Lvt. ca.
vls.

Apoc. 5.

Et bene-
dictioni-
bus aby-
si.
Zach. 9.

Benedi-
ctionibus
vberum.

cantant, Misericordias Domini in eternum cantabo? Q[uo]d cantico, vt ait Augustinus, in laudem gloriæ gratiæ Christi, cuius sanguine liberati sumus, nihil erit profecto illi iucundius Ciuitati. Huic cantant, Redemisti nos. Deo in sanguine tuo: & fecisti nos Deo nostro regnum, & Sacerdotes. Denique nouum canticum est Ioanni, quia mortales nunquam simile audierunt: nouum celestibus spiritibus, quia nunquam eos satiantur. Innouant laudes, & benedictiones semper nouas, semper antiquas. Alleluia cantant Deo, alleluia & Agno. Sed haec intenta potius aure audienda sunt, curandumque ne perstrepat mundus.

Cogita, si potes quid sit, Benedictionibus Abyssi. Sane & cum visitarentur in Limbo Patres, benedixerunt eum, qui eduxit eos de lacu, in quo non erat aqua, qui in sanguine testamenti sui emisit illos. Benedicunt & anime, quæ in Purgatorijs locis degunt, dum eum considerant meruisse, ut ipse etiam post hanc vitam purgari à contagione possent. Laudant poenarum mitigatorem: laudant in medijs flammis consolatorem: benedicunt aspectum iucundissimum faciei suæ promittentem, ad quam ardentissime anhelant.

Benedictionibus vberum, & fœcunditatis. Quis Apostolorum, & Magistrorum, ac Patrum replet vbera, vt lacte pingue scant? compassionem, & consolationem exhibet.

exhibeant, nisi ipse? Quis fœcunditatem Ecclesiæ talem præstat? Ecce quam multa prole fœcundatur ex benedictione bennicti huius. In illo enim omnes gentes, & tribus terræ benedictæ sunt; & benedictiones omnes ab illo. Qui benedixit nos ait Apo- *Genes. 12.*
stolus in omni benedictione spirituali in *Att. 3.*
caelestibus in Christo. Sed sequitur Ia- *Ephes. 1.*
cob..

Benedictiones Patris tui confortatæ sunt Benedic-
tionibus Patrū eius, donec veniret *ctionibus*.
desiderium collium æternorum. Fiant in *omnibus*,
capite Ioseph, & in vertice Nazaræi inter *Gen. 49.*
fratres suos. Verè benedictiones omnes in
capite eius factæ sunt, confortatæ sunt, &
sublimiores factæ præ benedictionibus Pa-
trum. Propter quem benedicti & Patres. O
Nazareum inter fratres, super fratres, pro-
pter fratres. Quis sanctior fonte sanctitatis?
Plane Nazaræus, separatus, & excelsior ce-
teris factus vitæ puritate, donorum largi-
tate, corone, & diadematis maiestate. Super
ipsum (inquit) efflorebit sanctificatio mea, *Psal. 131.*
Hebraicè corona sanctitatis, & regni. Ex ca-
pite benedictionis vnguenta, que defluant, *Psal. 132.*
non in barbam solum, sed in oram vesti-
menti, sicut ros Hermon, qui descendit in
montem Sion, id est Ecclesiam: in quam
mandauit Dominus ex hoc capite benedi-
ctionem, & vitam usque in seculum. Currite
gentes: ecce completum est in Sponso,
quod antea fuerat non fallaci promissione

Psal. 64.

prophetatum, Benedic coronæ anni benignitatis tuæ. Annus benignitatis aduentus Christi: in quo benignitas, & humanitas effusa est. Corona anni perfectio ipsa & consummatio: corona decoris, corona abundantiae, corona gloriæ. Benedic coronæ anni benignitatis tuæ, & campi tui replebuntur vertate. In Hebreo significantius, & rotæ, vel orbitæ tuæ stillabunt pinguedinem. Ut vbiunque curru secundo vehitur, stillet pinguedinem, eam nimurum, qua repleri animam suam cupiebat Psalmista. Vt in anima mea saginaretur illa, ut fieret in me, & quod sequitur, Et labijs exultationis laudabit os meū.

Psal. 62.

4. Accingere gladio tuo super femur tuum, potentissime.

Post spem, & gratiam agitur de virtute bellica, Quia Spōfa erat primo liberanda, deinde custodienda.

Am incipit narrare aliam laudem, à virtute, fortitudine, pugnandi præstantia. Sed mirum videri poterit ferè initio epilabiorum thalamij, post gratiam labiorū, & pulchritudinem, quæ suavitatem redolent, & amabilitatem, repete in gladium, & bella prouincia. Considerandum hic agit de Spōfa, quam Rex sibi elegit, & adscivit, ut ad regale Diadema, & consortium Regni prouicheret. Hæc aurem Sponsa captiuæ erat, & misera seruitute ab hostibus ferocissimis premebatur. Hanc ergo ut ciperet, gladio, bello, & fortitudine multa opus erat. O rem admirabilem, o mysterium incom-

pre-